

# लहना

व्यवसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निति  
लुमंका दिसँ ।लक्ष्मण जमाल 'चिलंगि'  
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

## थुकि दुने

बर्बादिया लैपुइ वनाचौपि नेतात  
डि.आर. खड्गी - २सिथि नख: - दैया लिपांगु नख:  
प्रकाश शाक्य - ३स्वयम्भूरज शाक्या  
एकल सांगीतिक समिल  
सुरजवीर बजाचार्य - ६पिपल्स च्वाइस मनोनयनय महेश्वर  
प्रजीत शाक्य - ६

ल्लो-अप

प्राग्ना शाक्य

म्येहालामि

४-५ पेज

## पूचःया करोडौ तकया जग्गा अतिक्रमण

मापदण्डय ला:गु धका: स्कूलया अनुमति हे मकासे प:खा: पिया: पिल्लरलिसेंया प:खा: दन

### लहना संवाददाता

देयन्यक हे सार्वजनिक सम्पत्तियात भूमाफियातसे थ:गु नामय यानात:गु, कब्जा यानात:गु धका: मदिक्क बुखे वयाचवंगु इलय लिपांगु अवस्थाय यल महानगरपालिकाया छगू ब्वनेकुथिया थ्यमथ्य ७गू करोड तका बराबरया जग्गा न अतिक्रमणय लानाचवंगु खँ पिहां व:गु दु । यल महानगरपालिका वडा नं. ३य ला:गु उगु ब्वनेकुथिया कम्पाउण्ड दुनेया जग्गा हे अतिक्रमय ला:गु दु । सतक विस्तारया नामय ब्वनेकुथिया ८ आना जग्गा अतिक्रमय लाकूगु दु । यल महानगरपालिका वडा नं. ३ व वडा नं. २०या सिमानय ला:गु उगु ब्वनेकुथिया पूर्वपाखेया खाली जग्गाय सतक विस्तारया इवलय निम्ह हे वडा अध्यक्षपिन्सँ मापदण्ड अ:ख: यक:तिकथं निर्णय या:गुलि अतिक्रमणय ला:गु स्थानीयवासीपिनिगु धापू दु ।

योजनाबद्धकथं उपभोक्ता समिति हे दयका: ब्वनेकुथिया जग्गायात सार्वजनिक जग्गा धका: नियम, ऐन, सर्वोच्च अदालतया आदेशयात तक हाचां गाया: उगु ब्वनेकुथिया जग्गायात अतिक्रमण यायगु ज्या या:गु खनेदु । सर्वोच्च अदालत तक छुं न ब्यक्ति वा संस्थाया जग्गा सतक विस्तारया नामय कायगु ख:सा मुआब्जा व क्षतिपूर्ति बिया जक कायमा: धका: आदेश ब्यूगु ख:सा उगु आदेशयात तक

हाचां गाया: जनप्रतिनिधित हे न्ह्या:वंगुलि मनुतयसं न्हयस: तयाह:गु दु ।

महानगरपालिका धा:सा २०४४सालय लागू या:गु 'गाइडलाइन डेभलपमेण्ट'कथं सतक विस्तार यायगु इवलय पिने प:खा: थुनेगु आञ्जु तया: विस्तारया ज्या यानागु ख: धका: धा:गु दुसा महानगरपालिकाया प्रमुख

थासय त्व:तेमा: धा:गु अलय व हे कथं मदन स्मारक विद्यालयया जग्गा कया: अथे ज्या यानागु जानकारी बियादिल ।

विद्यालय बचाउ अभियानय सक्रिय जुयादीम्ह पृथविन्दु महर्जन, महेशराज बजाचार्य नापं स्थानीयतयसं बैशाख १९गते जिल्ला प्रशासन ज्याकुथि लिखितरूप

बास्तवय मापदण्ड दुने ला:गु जग्गा धइगु सार्वजनिक जग्गा धायगु अधिकार सुयाके नं मदु । मापदण्ड धइगु भौतिक संरचना निर्माणया निति जक ख: । उकिं जनप्रतिनिधितयसं नेपा:या ऐन नियम कानूननिसें सर्वोच्च अदालत ब्यूगु आदेशयात बेवास्ता याना वनेगु धइगु कानूनयात तक हाचां गाया वनेगु ख: ।

चिरिबाबु महर्जन उगु ज्या नियमसंगत जूगु दावी याना वयाचवनादीगु दु । सतक विस्तारया इवलय वडाया तयक हे हस्तपक्षेपय ब्वनेकुथियात जानकारी हे मब्यूसे कम्पाउण्ड दुनेया पक्की पिल्लर लिसेंया न्हूगु प:खा: दयकूगु दु । थुकथं ब्वनेकुथिया भौतिक सम्पत्ति हे क्षति जुइकथंया ज्या जूसां न विद्यालय व्यवस्थापनयात जानकारी याकेमा:गु ख:, तर थ:पिन्त जानकारी हे मब्यूसे थव ज्या यात धका: विद्यालय व्यवस्थापन समिति धा:गु दु । थव जग्गाया मू थौकन्हय प्रति आना ७० लखतका निसें छगू करोड तका तक थयनाचवंगु दु । वडा नं. २या वडाध्यक्ष चन्द्रलाल महर्जन नगरपालिकाया मापदण्डकथं पुलांगु मिश्रित बसोबास दुगु लागाय ला:गु व अजा:गु थासय खालि जूसा

हे ध्यानाकर्षण पौ ब्यूगु ख: । अनं लिपा प्रशासनपाखें जुयाचवंगु ज्या दिकेत निर्देशन ब्यूगु ख: । जग्गा अतिक्रमण जुया: विद्यालयपाखें थ:के दुगु अधिकारतक उपयोग याय फयाचवंगु मदु । विद्यालयया कम्पाउण्ड दुने पिल्लर सहितया प:खा: दनेगु ज्या दिकेमा:गु माग यायमा:गु थासय प:खा:या बच्चि ब्व दयकेधुंका: तक छुं न कथंया प्रतिक्रिया मवल । विद्यालयपाखें थुगु खँय थ:पिन्त जानकारी तक मदुगु जानकारी बियादिल ।

विद्यालयपाखें स्वीकृत का:गु अवस्थाय व्यवस्थापन समितिपाखें स्वीकृत याकेमा:गु ख: । थुकथं ज्या न्ह्याकल धा:सा लँ बिस्तार सम्भव मदु धका: विद्यालयलिसे अनुमति हे मकासे ज्या यानागु ख: धका:

वडाध्यक्ष स्पष्ट यानादिल । मापदण्डकथं सतक विस्तार यायगु इलय सतकया केन्द्रपाखें जवय ९गू फिट त:बाला याय मा:गु व उक्रिया निति खिरे बराबर याना: साढे ४ फिट जक तबाला यायमा:गु ख:, तर उक्रियात बेवास्ता याना: महानगरपालिकाया निम्ह हे वडाध्यक्षपिन्सं ब्वनेकुथियापाखे जक ९गू फिट तबाला या:गु दु । स्थानीय थौथी मनुतयगु स्वार्थकथं अथे ज्या या:गु तक मनुतसे धा:गु दु । स्थानीयपाखें जिल्ला प्रशासन ज्याकुथिइ लिखितरूप ध्यानाकर्षण पौ बीधुंका: जक थ:पिन्सं स्यूगु व जिल्ला प्रशासनया आदेशय आ: निर्माणया ज्या दिनाचवंगु धा:गु दु ।

ब्वनेकुथिया नामय मुक्कं याना: २५पी जग्गा दु । थव जग्गातक थौथी इलय लीजय बिया वयाचवंगु दु । सपिड कम्प्लेक्सया निति निर्माणया अनुमति बिया ब्वनेकुथिया स्वामित्वय दुगु सार्वजनिक जग्गा अतिक्रमणय लाना वयाचवंगु ख: । बास्तवय मापदण्ड दुने ला:गु जग्गा धइगु सार्वजनिक जग्गा धायगु अधिकार सुयाके नं मदु । मापदण्ड धइगु भौतिक संरचना निर्माणया निति जक ख: । उकिं जनप्रतिनिधितयसं नेपा:या ऐन नियम कानूननिसें सर्वोच्च अदालत ब्यूगु आदेशयात बेवास्ता याना वनेगु धइगु कानूनयात तक हाचां गाया वनेगु ख: । थुगु खँय सरोकारवालातयसं बिचा: यायमा:गु अवस्था दु ।

## लोकसेवा आयोगया विज्ञापनयात कया: जनजातिया आपत्ति

येँ । २०६२/६३ या जनआन्दोलन, भिद्वैया सशस्त्र युद्ध, आदिवासी जनजाति आन्दोलन, मधेस विद्रोह, दलित, मुस्मां, मिसापिनिगुनिसें पहिचावादी व अधिकारमुखी आन्दोलनया जगय वर्तमान संविधान जारी जूगु ख: । विविधतायुक्त नेपाली जनताया त्याग, योगदान, बलिदान व संघर्ष स्थापित जूगु गणतन्त्र, संघीयता, समानुपातिक समावेशीता, धर्म निरपेक्षता धइगु मूल आधार स्तम्भ ख: । तर लोकसेवा आयोग स्थानीय तहया थौ थौ सेवा समूहया अप्राविधि प्राविधिकपाखेया पदया लिखित परीक्षाया विज्ञापन सूचना पिका:गुलिइ आदिवासी जनजातितयगु ध्यान वंगु दु धका: नेपाल आदिवासी जनजाति महासंघ धा:गु दु ।

महासंघ विज्ञापित पिकया धा:गु दु कि कर्मचारी समायोजन ऐन, २०७५ या दफा १२ या व्यवस्था नापं नेपाल सरकार, मन्त्रीपरिषद् या २०७६ जेठ ६ गतेया निर्णयया हवाला बिया: थौ थौ तहलय खाली जूगु ९ हजार १ सय ६१ म्ह पदपूर्तिया निति दर्खास्त आह्वान या:गु धैगु संविधानया मूल मर्म, भावना, सिद्धान्त व संविधानया प्रस्तावना, धारा ४२

लोकसेवा आयोग स्थानीय तहया थौथी सेवा समूहया अप्राविधि प्राविधिकपाखेया पदया लिखित परीक्षाया विज्ञापन सूचना पिका:गुलिइ आदिवासी जनजातितयगु ध्यान वंगु दु धका: नेपाल आदिवासी जनजाति महासंघ धा:गु दु ।

नापं ह्यूपा:या अ:ख: जूगु दु ।

राजनीतिक ह्यूपा:पाखें स्थापित जूगु संघीय लोकतान्त्रिक शासन व्यवस्थाय आदिवासी जनजाति, मधेसी, दलित, मुस्लिम, मिसापिं, ल्यूने लानाचवंगु लागया सीमान्तकृत समुदाययात राज्यया प्रशासनिक संरचनाय समानुपातिक समावेशीकरणया ठोस नीति व ज्याय दुथ्याकेमा:गु थासय उक्रिया अ:ख: विभेद अन्त्यया निति छुं प्रतिशत आरक्षणया व्यवस्था यानात:गुयात तक लाका कया: सरकार फातापुइकेगु कुत:या:गुलि महासंघ तसकं आपत्ति प्वकूगु दु ।

ल्यं ७ पेजय

तान्व:या पासा  
कुल्फी  
भापिया दिसँ ।  
Himalayan  
Ice  
धौ दुरु ध्य: बटर व  
क्रिम बजारय उपलब्ध दु  
मुख्याधिकार नगरपालिका, वडा नं.: १, सिरुटार घन्सार, स्वयं  
९८४२३५३७५९, ९८९३३४९०९५, ९८७८६७८७२५

बाल हेल्पलाइन-नेपाल  
कहाँ पनि बालबालिका  
हेल्प लाईन दुर्लभ, परिश्रम, श्रम वा जीवन रक्षण गरिप  
हरय, फेल परे, दुर्घटना, अज्ञान-बजार, अपहरण, जोखिम परे वा कसुनी  
हवा कसोसाताजिक सहयोग आवश्यक परे १०९८ ला कलपर्क जरी ।  
पैसा नलाग्ने फोन  
१०९८  
(दश-नौ-आठ)  
CWIN  
विश्व-नेपाल

## सम्पादकीय



## सांसदयात धेबा फ्याय्गु गुलि तक पाय्छि ?

थुगुसीया बजेटयात कया: सकारात्मक व नकारात्मक चर्चा जूसां नं थोकन्हय छू लुँदायात कया: सर्वोच्चय रीट तकं तय्यु ज्या जूगु दु। वंगु आइतवा: अधिबक्ता पारसमणि भट्टराई नं प्रत्येक निर्वाचन क्षेत्रय ६गू करोडतका बीगुकथं ह:गु बजेटया लुँदा ल्या: २३१ तत्काल कार्यान्वयन मयायत अन्तरिम आदेशया माग यासैं सर्वोच्चय रीट दायर या:गु ख:। सांसदयात बजेट बीगु व्यवस्था नेपा:या संविधानया धार १, ४, ५६ व ५७लसे ल्वा:गु व संघीय शासन प्रणालीया तं अ:ख: जुइगु जूगुलि उगु बजेटया लुँदा कार्यान्वयन मयायत रीटय माग यानात:गु ख:।

दँयदसं पितबीगु बजेटय सांसदयात विकास खर्च याय्युगु नितिं धका: थुकथं धेबा फ्याय्गु याना वयाच्वंगु दु। थ्व स्वयां न्हय: नं सांसदपिन्त ४गू करोडतकाया धेबा: फ्या:गु ख:सा थुगुसी थुकियात कया: अफ् क्वामिलु जुया: अप्व: धेबा फ्या:गु खनेदु। न्हापा स्थानीय सरकार वा जनप्रतिनिधि मदुगु इलय् स्थानीय स्तरय बजेट थ्यंकेगु व विकास याय्युगु उद्देश्य थुकथं बजेट वितरण या:गु ख: धका: तर्क त:गु ख:सा थुकियात खास हे विरोध नं मया:गु ख:। तर आ: वया: बजेट कार्यान्वयनया नितिं स्थानीय सरकार जक मखु, प्रदेश सरकारतकं दयधुकूगु अवस्थाय आ: थ्व गुलितक पाय्छि जू धइगु खँय पुन:बिचार याय्युमा:गु ख:। खयत ला सांसदपिन्सं थ:गु क्षेत्रय प्रभुत्व कायम याय्यु तातुनां पयानात:गु बजेटया विकासया नामय दुरुपयोग नं मजुगु मखु। अलय् थुकियात कया: अनुगमन याइगु निकाय नं मदुगु कारणं थथे जुइगु स्वभाविक ख:। थुकिं याना: सांसदतसें बजेटय थ:पिनिगु नितिं धेबा फ्याकेगु ज्या याय्यु त:धंगु खँ मखु। थुकियात कया: सम्बन्धित निकायं बिचा: याय्युमा:गु ख:।

धात्थें धाय्युगु ख:सा संघीय संसदया दुज:पिन्त स्थानीय तहया विकास निर्माणया नितिं धका: थथे बजेट फ्याय्यु धइगु स्थानीय तह व प्रदेश सरकारया नं हनन् ख: धा:सां पाइमखु। संघीय संसदया दुज:पिनिगु ज्या धइगु नीति दयकेगु व उकियात कार्यान्वयन याय्युगु ख:। स्थानीय स्तरय विकास याय्युगु ज्या धइगु स्थानीय सरकार व प्रदेश सरकार ज्या ख:। नीति निर्माणया नापनापं विकास याय्युगु नितिं बजेट कया: थ:पिं हे न्हयज्याय्यु धइगु छू ला स्थानीय तह व प्रदेश सरकार याइगु ज्याखँयात हस्तक्षेप याय्युगु ख:सा मेगु निगुलिं ज्या छू हे पदय च्वना याय्युमज्युगु ज्या ख:। मात्र थुलि हे ख: कि थुकिं थ:गु क्षेत्रय प्रभुत्व कायम याय्युगु जक ख: वा लिपाया चुनावया नितिं लँपु दयकेगु हे जक ख:।

खयत ला अर्थमन्त्री युवराज खतिवडां स्थानीय स्तरया विकासया ज्याय सांसदपिनिगु प्रत्यक्ष संलग्न दत धा:सा विकासया ज्या अफ् च्वन्त्याइगु व विकासय सांसदपिन्त नं सहभागी याकेगु जुइ धका: तर्क तयादीगु ख:। थ्व तर्क छूकथं न्यायसंगत खनेदुसा नं सांसदपिनिगु ज्या छु ख: धइगु खँय स्पष्ट जुइमा:। सांसदपिन्सं विशेष याना: नीति निर्माणया नापनापं थ:गु क्षेत्रय जुयाच्वंगु ज्यायात कया: अनुगमनया नापनापं स्थानीयपिन्त गुकथं सहभागी याकेफइ धइगु खँय ध्यान तय्युगु व क्षेत्रगत ल्याखं गुकथं विकास याय्युफइ धइगु नीति दयकेगु नितिं सुभाब बीगु व उकिया कार्यान्वयन याय्युगु ख:। आ:तक गुलि नं सांसदतसें थ:गु कोषपाखें विकास या:गु ख:, उकिया प्रत्यक्ष लव: धइगु जनतायात स्वयां नं थ: कार्यकर्तापिन्त जुयाच्वंगु खनेदु। थुकियात कया: नं सकस्यां बिचा: याय्युमा:गु थौया आवश्यकता नं ख:।

## बर्बादया लँपुइ वनाच्वंगुपिं नेतात



डि.आर. खड्गी

लिच्छवी शासकया ई व जुजु पृथ्वीनारायण शाहया इलय् दय स्वतन्त्र, सुरक्षित व मजबूत जुयाच्वंगु खनेदु। परराष्ट्र खयलय् सन्तुलित दृष्टिकोण नालेफूगुलिं हे थथे जूगु ख:। अफ् लिच्छवी शासकतसें देय्यात स्वर्ण युगया अवस्थाय थ्यंकेत ता:लात। स्वर्ण युगया ई धइगु देशयात उच्च विकास याना: शक्तिशालीया नापनापं जनतायात सुखी व आनन्द बीफूगु अवस्था ख:।



जुजु पृथ्वीनारायण शाहया नं छू बांला:गु ज्या देय् शक्तिशाली याय्युगु नितिं बाइसे चौबिसै राज्ययात एकीकरण याना: विशाल नेपा: दयकल। अफ् पूर्वया टिष्टा अर्थात सिक्किम व पश्चिमया गढवाल अर्थात उत्तराञ्चलतक वना: विशाल नेपा: खडा या:गु ख:। जुजु लिच्छवी शासक व पृथ्वीनारायण शाहया इलय् चीन व भारत नेपा:यात थ:गु पकडय काय्युगु मस्व:गु नं मखु, तर व इलय्या जुजुपिं नं सक्षम, देशभक्त, दूरदृष्टि व विवेकी जूगुलिं चीन व भारतं नेपा:यात प्रभावय लाकेमफुत। जब लिच्छवी शासकनं अन्त जुल, नेपा:या शक्ति नं कमजोर जुल। अथे हे पृथ्वीनारायण शाहया नं अन्त जुल, व इलय् नं देश कमजोर जुजु वन। पृथ्वीनारायण शाह लिपा देशया आन्तरिक राजनीतिइ त:धंगु कचवं पिहां वया: नेपा:या शक्ति कमजोर जुयावंगुया फाइदा ज:लाख:ला देय् भारतं काय्युगु यात। भारत नेपा: अ:पुकक वय फूगुया कारण नेपा:या पूर्व, पश्चिम व दक्षिण स्वखेरं भारतया सीमा धेरे यानात:गुलिं ख:। स्वंगू दिशा खुल्ला जूगु कारणं याना: भारतं नियोजितकथं भारतया नागरिक नेपा: छु वया: राजनीति याका: देशया उच्च पदय छवय्युगु नितिं भारतं अप्रत्यक्षकथं तसकं कुत: यानाच्वंगु खनेदु।

भारत नेपालय राजनीतिइ जक प्रभाव तयाच्वंगु मखु, नेपा:या धर्म व संस्कृति नष्ट यायां वनाच्वंगु दु। थौंकन्हय ला नेपा:मितसें थ:गु धर्म व संस्कृति म्हसीके मफया: विदेशया धर्म व संस्कृतिइ मस्त जुया वनाच्वंगुलिं थ:गु अस्तित्व खतराय लाकाच्वंगु दु। भारतनाप धर्म, संस्कृति, भाषा व संस्कारय समानता दुगुलिं नेपा:

भारतलिसे हे सत्तिक च्वनेमा:गु आवश्यकता दु धका: राजनीतिक पण्डिततसें बरोबर धाय्युगु नं या:। वास्तवय नेपा: व भारतया धर्म व संस्कृति आकाश व जमीनया फरक दु धयागु खँ खस बर्मू नेतातसें मस्यु। भारतं छू निगू गलित या:सां नेपा:या जनतां सह यानाच्वनेमा: धका: धयाच्वनीपिं खसत यक्व दु। थजा:गु च्य: मानसिकतां याना: स्वतन्त्र सार्वभौम नेपा:या थ:गु हे महत्व दु धइगु खँ ल्व:मकाच्वीपिं खस बर्मू नेतात यक्व दु।

चीन व भारत नेपा:या ज:लाख:ला देय् ख:सां नेपा:या भुकाव धा:सा भारतनाप अप्व: व चीननाप म्हो हे जक दु। भारतनाप अप्व: जूवंगुया कारण भौगोलिक बनोट याना: ख: धका: राजनीतिक नेतातसें धयाच्वंसा नं बास्तवय भारतया तन्त्रमन्त्रय लानाच्वंगु कारणं याना: ख:। भारतं नेपा:यात नेतातयत् तन्त्रमन्त्र यानाच्वंगु कारण मध्ये छू थ्व नं ख: कि नेपालं चीनलिसेया स्वापू क्वातुकका वनी ला

अफ् थ्व जक नं मखु, हङ्कङ व मकाउ थ:गु कब्जाय कासांनिसें थ्व निगू प्रान्तय स्वतन्त्रता व मानवाधिकारयात बन्देज यानाबिल। तराइलय खुल्लारूपं तिब्बतय स्वतन्त्र व मानवाधिकारया नितिं संघर्ष यानाच्वीपिन्त समर्थ व सहयोग याय् मा: धका: दुनेदुने प्रचार यानाच्वंगु खनेदु। अफ् ला पहाडया भूभाग नं अप्रत्यक्षकथं तिब्बतया योद्धातसें सहयोग व समर्थन याय्युमा: धका: अन्तर्राष्ट्रिय गैरसरकारी संस्थाया धेबा नाय: प्रचार यानाच्वंगु नं दु। अफ् नीयात घृणा याका: भारतनाप भुकाव अप्वयकेगु ल्याखं थथे नं प्रचार जुयाच्वंगु दु।

१. चीनं नेपा:या जनतातयत् लजगा: बीगु गबलें नं मस्व:। भारत नेपा:मितयत् लजगा:या अवसर बियाच्वंगु दु।

२. चीनं नेपालय उत्पादित बस्तु नं चीनया बजारय कारोबार यानाच्वंगु खनेमदु। गथे भारत यकाच्वंगु दु।

३. चीनया उद्देश्य दक्षिण एशियाय

ब्यापार बृद्धि याय्युगु नितिं नेपा:या भूमि छु यला: नेपा:यात तनाब बीगु ज्या याइ।

थुलिजक मखु, नेपा:या सार्वभौमिकता, अखण्डता रक्षाया नामय चीनं नेपा:या भूमि थ:गु सेनां कवाज मिहेतेगु कुत: नं यानाच्वंगु दु। थजा:गुकथं जोडतोडं फ्युगं खँत सुसुं नेता व गैरसरकारी संस्थातयसं तसकं प्रचार यानाच्वंगु दु।

थौंकन्हय विशेष याना: तराइ व पहाडी भूभागय अन्तर्राष्ट्रिय गैर सरकारी संस्था व इमिगु धेबा नयाच्वीपिं नेतात व कार्यकर्तात नं चीन विरोधय जुयाच्वंगु दु। भारतया स्वार्थ नं देशभक्त नेतात व सच्चा कम्युनिष्टतयत् माइन्स याय्युफत धा:सा चीनया गतिविधि नं कमजोर जुइ, अलय् थ:गु प्रभावय नेपा:यात तया: नेपा:या प्राकृतिक श्रोतसाधनय कब्जा याय्युगु दुनेया तातुना ख:।

अन्तर्राष्ट्रिय खयलय् नेपा:या भूमिका शून्य याना: भारतया परराष्ट्र नीतिकथं नेपा:यात नं न्हयाकेगु ख:। गथे भुटानया परराष्ट्र नीतिया छुं नं भूमिका मदु, अथे धयागु भारतया परराष्ट्र नीतिकथं न्हयानाच्वंगु देश ख:। थुकिया अर्थ छु धा:सा नेपा:यात नं भारतया प्रान्त याय्युगु रणनीति ख:।

वास्तवय देशया शासन देशभक्त विवेकशील नेतातयगु ल्हाती लाय्युमा:गु ख:। जब विवेकशील नेतातयगु ल्हाती देशया सत्ता चल्य याय्युगु अवसर वइ, व नेतातसें जक न भारतया पक्षय न चीनया पक्षय वकालत यानाच्वनी। उमिसं न्हयाबलें देश विकास याय्युगु ध्यानय जक वनाच्वनी। तर देशय दुर्भाग्य देशया शासनसत्ता विवेकहीन, स्वार्थी, लोभीतयगु ल्हाती लानाच्वंगु हुनिं देश विकास मखु, वर्वाद याय्युगुली जक न्हया: वनाच्वंगु दु।

## त्वमिपिन्त इनाप

लहना वा:पतिइ लेख, रचना, रिपोर्ट व समाचार छवयादीफइ। छिकीपिसं छवयादीगुयात थुगु वा:पतिइ थाय् बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वा:पौ

भोर्छे, यँ

lahana.news@gmail.com







नां : प्राशना शाक्य  
 मां : सुमित्रा शाक्य  
 अबु : बिनोद शाक्य  
 थाय्बाय् : लाजिम्पात  
 लजगाः : म्ये हालामि

कृति :  
 नेपालभाषाया ७पु म्ये व खस नेपाली भाषाय्  
 २५०पु स्वयां अण्वः म्ये

आबद्ध संघसंस्था :  
 इमेज च्यानल

सम्मान व सिरपाः

- उत्कृष्ट म्ये हालामि, पप बिधापाखे, हिट्स एफ.एम.
- उत्कृष्ट पप म्ये हालामि, कालिका एफएम

- बांलाम्ह मिसा म्ये हालामि, म्यूजिक खबर
- बांलाम्ह मिसा म्ये हालामि, विन्धबासिनी अवार्ड
- उत्कृष्ट मिसा म्ये हालामि, निक्वःगु म्यूजिक भिडियो अवार्ड, युएइ
- उत्कृष्ट पप म्ये हालामि, एरिना म्यूजिक भिडियो अवार्ड
- वर्षया मौलिक तीज म्ये, जिनिअस म्यूजिक अवार्ड
- विजेता, तिम्रो सूर मेरो गीत, नेपाल टेलिभिजन

भ्रमण :

- अष्ट्रेलिया, बेलायत, हङ्कङ्ग, सिंगापुर, दुबइ, कतार, मलेसिया, म्यान्मार, पाकिस्तान



## स्वयम्भूराज शाक्यया एकल सांगीतिक सन्तिल

सुरजवीर बज्राचार्य

न्यागू दशकया सांगीतिक जीवन । वरिष्ठ संगीतकःमि स्वयम्भूराज शाक्यया न्यागू दशकया सांगीतिक जीवनया थव ईनाप निरन्तर थःगु उपस्थिति ब्वया वयाच्वंगु सिर्जनाया लू । व हे सक्रियताय मेगु छपला “जुजु वेयर्स ओ प्रिय लिफः स्वयाः” वयकःया एकल सांगीतिक ज्याइवः वङ्गु सञ्चरवाः तछलाथव ६ (जेष्ठ २५ गते) वयकःया जन्म जूगु त्वाः हःखाय जुङ्गु खं नेपालभाषाया सांगीतिक ख्यलय लसता ह्वलाव्यूगु दु । लिपांगु इलय नेपालभाषा ख्यलय निरन्तर जुयावःगु सांगीतिक ज्याइवलय छू तँसा जक मखुसे नेपाःया सांगीतिक विकासय अतिक महत्वजाःगु योगदान दुगु संगीत सम्मेलनया अनुभव याकेगु ग्वसाः मंगल इन्टरनेटमेन्ट खःगु दु । थुकिया मेगु छू विशेषता धङ्गु थुगु ज्याइवःपाखे स्वयम्भूराज शाक्यया सः व सिर्जना न्यनेत टिकट कयाच्वनेम्वाः । सनिलया ५ताः इलय थुगु ज्याइवः न्ह्याङ्गु जानकारी ग्वसाः खलक ब्यूगु दु ।

वरिष्ठ गायक शाक्यया थुगु ज्याइवःया नां वयकःया छु अतिक लोकहवाःगु “ओ प्रिय लिफः स्वयाः” पाखे छूगु दु । थुगु म्ये लोकहवाःगु महत्व ला छे दुगु हे जुल, मेखे नेपालभाषा संगीत ख्यलय म्ये रेकर्डिङ सुविधा सहज मजुबलय छूकोथाय बाद्यवादकपिनाप म्येहालामि अलय मेगु कोथाय प्राविधिक च्वनाः रेकर्डिङ जूगु म्ये खः । थुगु म्ये ३गु दशकति न्ह्यः मतिना म्येचाकय पिदंगु खः । मनय थःगु भाय, साहित्य, संगीतयात कयाः मतिना ब्वयगु निति कुतः जक यायगु खःसा छुं न असम्भव जुइमखु धङ्गु सन्देशया सञ्चार न थुगु म्ये व म्येचाः पिदबलय जूगु खः । उबलय थुगु म्ये दुध्याःगु कयासेटया मू ३५तका तूगु खः । स्वयम्भूराज सिर्जना यानादीगु, हालादीगु लोकहवाःगु म्ये थवङ्गु थुगु ज्याइवलय वरिष्ठ म्येहालामि संगीता शाक्यनाप लोकहवाःगु म्येहालामि निशा देसार, सुमन कपाली, अनु शाक्य व प्रियका शाक्यनाप स्वयम्भूराजया सांगीतिक जीवनया अतिक स्याःन्याःमहापासा चन्द्रमान शाक्यया सः न थवइसा थुगु पुचःयात

लोकहवाःगु म्येहालामि/संगीतकार भूपेन्द्र बज्राचार्यया संयोजनय ८म बाद्यवादक संगीतकारपिनिगु साथ दइ । थुगु ज्याइवलय मविवि शाह, दिनेश अधिकारी, वंशीधर बज्राचार्य, प्रकाश साय मि, शाक्य सुरेन, चन्द्रमान शाक्य, तीर्थ माली, शान्त शाक्य, हेमन्त विवशया रचना थवइसा संगीतकःमि शाक्यनाप नातिकाजी, तीर्थ माली, मनराजा नकर्मा, नरेन्द्र प्यासी, चन्द्रमान शाक्य, विरेन शाक्य, चन्द्रराज शर्मा लसय हनादीगु म्ये थवइ । थुगु ज्याइवः थःत माया यानादीपि देखाः धयादीम म्येहालामि शाक्यया जन्म अबु बुद्धिराज शाक्य व मां नानीबेटी शाक्यया कोखं २०१३ मंसीरं हःखा त्वालय जूगु खः । संगीतय इलाहावाद डिप्लोमा यानादीम स्वयम्भूराज शाक्यया मेगु अध्ययनया विषय मानविकी खःसा प्रमाणपत्र तह वयकल अध्ययन यानादीगु खः । कला हे जीवनया लँपु दयके धायथाकूगु उगु इलय भाजु शाक्य रेडियो नेपालया विशिष्ट श्रेणीयाम्ह म्येहालामि जुयादिलसा वयकःया जागीर जीवन न कला व संस्कृतिनाप हे स्वात ।

२०२६ सालय न्ह्याःगु थुगु कला यात्रा थीथी सिरपाः व सम्मानं भःभः नं धाः । २०३८ सालय जूगु रेडियो नेपाल आधुनिक संगीत सम्मेलनय ल्यू सिरपाः त्याकादीमह शाक्यं २०३८ सालं हे रत्न रेकर्डिङ स्टुडियो ग्वसाः ग्वःगु “प्रतिभाको खोजी” धेंधेंबल्ला कासाय न्हाप जुयादिल ।

साँस्कृतिक संस्थानय २५दँ तक सेवा यानादीमह भाजु शाक्यं सहायक गायन प्रबन्धककथं ज्या यानादीगु खः ।

२०२६ सालय न्ह्याःगु थुगु कला यात्रा थीथी सिरपाः व सम्मानं भःभः नं धाः । २०३८ सालय जूगु रेडियो नेपाल आधुनिक संगीत सम्मेलनय ल्यू सिरपाः त्याकादीमह शाक्यं २०३८ सालं हे रत्न रेकर्डिङ स्टुडियो ग्वसाः ग्वःगु “प्रतिभाको खोजी” धेंधेंबल्ला कासाय न्हाप जुयादिल । आधुनिक सुगम संगीतय जक मखु, २०४२ सालय रत्न रेकर्डिङ संस्थान ग्वसाः ग्वःगु मध्यमाञ्चल क्षेत्रीय लोकगीत प्रतियोगिताय न वयकल न्हाप सिरपाः त्याकादिल । नेपालभाषा ख्यलय छू कासा बागमती अञ्चलब्यापी नेपालभाषा म्ये कासा, यल अध्ययन मण्डल गोष्ठी नेपालभाषा म्ये कासाय वयकल ल्यू सिरपाः त्याकादिलसा २०४८ पोखराय जूगु भिडियो चलचित्र महोत्सवय सर्वोत्कृष्ट म्येहालामिया सिरपाः त्याकादिल । ‘शंका’ सिकपा न वयकल थुगु सिरपाः त्याकादीगु खः । ‘पेजथ्री पिपुल्स च्वाइस अवार्ड’य ज्वःम्येय सर्वोत्कृष्ट म्येहालामिया सिरपाः त्याकादीमह शाक्य थीथी ज्याइवलय सम्मानित नं जुयादीगु दु ।

थुगु एकल सांगीतिक प्रस्तुति स्वयां न्ह्यः २०६१ सालय पचावती बचत तथा ऋण सहकारी संस्था, नःबहाःया ग्वसालय स्वयम्भूराज शाक्य एकल सौंभ, याकः इन्टरप्राइजेजया ग्वसालय ज्येष्ठ नागरिकपिनिगु सेवा यानाः वयाच्वंगु मुदिता सेवा गृहया ग्वाहालिया निति “आरोह सन्ध्या” नाम नं एकल सांगीतिक प्रस्तुति जुइधुंकूगु दु । साँस्कृतिक संस्थानय सेवाया

इलय नारायण गोपाल सांगीतिक जीवनय निरन्तर न्ह्याः वनेत ब्यूगु हःपा छू एकल सांगीतिक ज्याइवः वयकल स्वर सम्राटयात हे लुमकूसे देखानादिल “नारायण गोपालको सम्भनामा.....” । थुगु ज्याइवः बागमती सफाई अभियान ग्वसाः ग्वःगु खः ।

वङ्गु सञ्चरवाः प्यक्वःगु खुसी जुइत्यंगु एकल सांगीतिक प्रस्तुतिया ज्याइवःपाखे म्येहालामि शाक्य अतिक उत्साहित जुयागु खँ कनादी । छू ला थुकिया निति टिकट कयाः स्वयगु न्यनेगु बाध्यता मदुगु जुयाः सकलसित चकंगु नुगलं लसकुस याय दयाः लयतागु खँ न न्ह्यथनादीसा मेखे थःगु हे त्वालय जुङ्गु जुयाः न उत्साहित जूगु, नुगः लसतां जाःगु खँ न कनादीगु दु । थुगु ज्याइवलय पुलांगु न्हूगु नाप थः यःपिं अग्रज कलाकारपिन्सं हालादीगु म्ये न वय कःपिन्त देखासें थुगु ज्याइवलय न्ह्यब्वयगु वयकल न्ह्यथनादीगु दु ।

देसय दुने जक मखु, देसपिने नं वरिष्ठ म्येहालामि शाक्यया साःया जादु ह्वलेगु ज्या जूगु दु । अफ २०४२ सालय बंगलादेशय जूगु न्हापांगु सार्क शिखर सम्मेलन नेपाःपाखे कलाकारपिनिगु प्रतिनिधित्व यानाः वयकल नेपाःया सांगीतिक, साँस्कृतिक पहिचान अन न्ह्यब्वयादिल । सकसिगु वाहवाही त्याकादिल । थजाःगु हे सांगीतिक यात्रा तिब्बत, श्रीलंका, साउदी अरेबिया, जापान, हङकङ, बैंकक, भारतय नं यानादीगु दु ।

देसय दुने हे नं हलिमय नांजाःपिं कलाकारपिं वइबलय नेपाःया बांलाःगु ब्यवहार व कलापाखे प्रभावित यायत ताःलाःमह स्वयम्भूराज शाक्य लुमकादी गुलाम अलि नापलाःगु व ई, गुलाम अलिया तःजिगु ज्याइवः क्वचायधुकाःलि विदाई ज्याइवलय ।

थुगु ग्वसाःया मू प्रायोजक जुजु वेयर्स, सह-प्रायोजक सम्भना लेब्रेटोरी क्लिनिक प्रा.लि., हौगः, यल व होटल सारा श्री प्रा.लि, लुम्बिनी दु । २४ क्यारेट, मानभवन, जावलाखेल, यलनाप संगीत ख्यःया विकासया निति च्यूताः तयादीपिं आपालसिगु ग्वाहालि दु । त्वाः व सांगीतिक ख्यःयापिं आपालसिगु दुयंगु ग्वाहालि दुध्याःगु थुगु ज्याइवः सुरजवीर बज्राचार्य न्ह्याकादी ।



## पिपल्स च्वाइस मनोनयनय महेश्वर

नेपाःया खेलकूद पत्रकारपिनिगु मंकाः संस्था नेपाल खेलकूद पत्रकार मञ्च दँयदसं सर्वश्रेष्ठ कासामि व कासाख्यलय योगदान बियादीपिं ब्यक्तित्वपिन्त हनेगु परम्परा दु । गुकियात “स्पोर्ट्स अवार्ड” ना बियातःगु दु । आः ‘पल्सर स्पोर्ट्स अवार्ड’ नेपाःया खेलकूदय दकलय तःधंगु व प्रतिष्ठित सिरपाः जुइधुंकूगु दु । नेपाःया कासामितसें दँयदसं प्रतीक्षा यानाच्वनीगु ज्याइवः खः, ‘पल्सर स्पोर्ट्स अवार्ड’ । नेपाःया खेलकूद पत्रकारपिन्सं बीगु जूगुलिं जुइमाः, थव अवार्डयात कासामिपिन्सं तसकं महत्व बीगु

यानाच्वंगु दु । थुकियात सरकारं तक ‘राष्ट्रिय खेल पुरस्कार’ कथं घोषणा यायधुंकूगु दु । स्पोर्ट्स अवार्डया १६क्वःगु संस्करण असार १७गते जुइत्यंगु दु । थुगुसी स्पोर्ट्स अवार्डय भिगू विधा उत्कृष्ट जुइपिन्त लःल्हाइगु जूगु दु । गुकी दँया उत्कृष्ट मिजं कासामि, मिसा कासामि व युवा कासामि अथे हे दँया उत्कृष्ट प्रशिक्षक, लाइफटाइम एचिभमेण्ट अवार्ड, पारा एथलिट, स्पेशल अवार्ड व टिम अफ दि इयर, उत्कृष्ट अन्तर्राष्ट्रिय खेलपत्रकारतयगु अवार्ड दु । पल्सर स्पोर्ट्स अवार्डया थीथी विधामध्ये

पिपल्स च्वाइस नं छूगु खः । पिपल्स च्वाइसया मनोनयन निन्हु न्ह्यः आइतवाः याःगु खः । थुगु विधाय थःगु कासां दचिख्यंक चर्चाय दुमह व मिडियाय वयाच्वंमह कासामियात मनोनयनय दुध्याकीगु खः । पिपल्स च्वाइसया मनोनयन स्पोर्ट्स अवार्ड जुइगु स्वयां लच्छि न्ह्यः हे सार्वजनिक याइगु खः । थुगु मनोनयनय लाःपिं कासामिपिन्त मत बीगु ई लच्छि दइगु खः । लच्छिया दुने कासामिपिन्त प्राप्त जूगु मतया लिधंसाय ‘पिपल्स च्वाइस’या विजेता घोषणा याइ । उकिं स्पोर्ट्स अवार्डय थीथी विधामध्ये

दकलय चर्चाय वयाच्वनीगु अवार्ड खः, पिपल्स च्वाइस अवार्ड ।

थुगुसी पिपल्स च्वाइस अवार्डय नेवाः कासामि महेश्वर महर्जन नं लाःगु दु । थुगुने शारीरिक सुगठनय नेपाःयात अन्तर्राष्ट्रिय ऐतिहासिक उपाधि ब्यूमह कासामि खः, महेश्वर । थाइल्याण्डया च्याङमाइस जूगु १०क्वःगु विश्व शारीरिक सुगठन व फिजिक च्याम्पियनशीपया मिर्जापिनिगु ७५गू केजीया पुचलय स्वर्ण पदक त्याकेधुंकाः महेश्वर चाँचा बयबय जूगु खः । आःतक न वयकःया चर्चा म्हो मजुनि । थुगुने जूगु १६क्वःगु राष्ट्रिय धर्मश्री शारीरिक सुगठन च्याम्पियनशीपय ओभरअलय नं महेश्वर उपविजेता जुयादीगु खः ।

महेश्वर वंगु आइताः जूगु कासामि मनोनयनय थःपिन्त मत बियाः बिजेता दय केत इनाप नं यानादिल । महेश्वरं धयादिल, ‘विश्व च्याम्पियनशीपय त्याःगु स्वर्ण जिगु जक मखु, स्वंगू करोड नेपाःमिपिनिगु खः । उकिं जनतां जितः मत बी धङ्गु खँय विश्वस्त जुयाच्वना । विशेष यानाः नेवाः समुदायपाखे जिं यक्व स्वयां यक्व भोटया अपेक्षा यानाच्वना ।’

महेश्वरयात पिपल्स च्वाइस अवार्ड त्याकेगु धाःसा उलि अःपू मजु । छायाःसा मनोनयनय लाःपिं मेपिं कासामिपिं न उलि

### भोट यायगु तरीका

महेश्वर महर्जन  
PULSAR >MM Send to 37722  
सन्दीप लामिछाने  
PULSAR >SL Send to 37722  
प्रिन्स दाहाल  
PULSAR >PD Send to 37722  
सावित्रा भण्डारी  
PULSAR >SB Send to 37722  
रेश्मा भण्डारी  
PULSAR >RB Send to 37722  
फेसबुकय भोटया निति ‘एनएसजेएफ पल्सर स्पोर्ट्स अवार्ड’या आधिकारिक पेजय वनाः लाइक, सेयर व कमेन्ट यायमाः ।

हे चर्चित जूपिं खः । पिपल्स च्वाइसया अवार्ड त्याकेत महेश्वरं नेपाःया क्रिकेट आइकन सन्दीप लामिछाने, नेपाःया मिसा फुटबल स्टार सावित्रा भण्डारी, मिसा भिलवलया स्टार कासामि रेश्मा भण्डारी व ब्याड्मिन्टनया उदयीमान कासामि प्रिन्स दाहालयात ल्यूने लाकेमाः । नेपालय थुपिं कासामिपिनिगु नं यक्व हे ‘प्यान फ्लोअर्स’ दु ।

## राजेश प्रजापतिया नेतृत्वय् जैशीदेवल युथ क्लव



जैशीदेवल युथ क्लवया १७क्वःगु साधारण सभा राजेश प्रजापतिया अध्यक्षताय् ११म्ह कार्यसमितिया दुजःपिं ल्यल ।  
न्हूगु कार्यसमितितइ न्वकू रोजन्द्र महर्जन, मूख्याञ्जे चन्द्रगोपाल प्रधान, छ याञ्जे हितेश कार्जित, दांभरि गिरीधरमान

श्रेष्ठ च्वनादीगु दु । अथे हे दुजलय् प्रमेश बहादुर श्रेष्ठ, प्रवीण कर्माचार्य, राजेन्द्र मानन्धर, भरत कार्जित, ज्ञानिकमान दिपंकर व तीर्थ राई च्वनादीगु दु ।  
क्लव समाजय् थीथी ख्यलय् हिदान, स्वास्थ्य शिविर, सरसफाई, स्थानीय जात्रा,

संस्कृति, सम्पदा संरक्षणलसेया ज्या याना वयाच्वंगु खः ।  
क्लवया सल्लाहकार मधुसुदन प्रधानया संयोजकत्वय् राजेश शर्मा व हरिश्चरमान रजित दुजः दुगु निर्वाचन समितित क्लवया न्हूगु नेतृत्व ल्यज्या याःगु खः ।

## चित्तधर हृदयया ११३क्वःगु बुदिं हन



कवि केशरी चित्तधर हृदयया ११३ क्वःगु बुदिं छू ज्याइवः यासे हन । नेपालभाषा परिषद्दया ग्वसालय् जूगु उगु ज्याइवल्यु नेपालभाषा साहित्यकारपि मुनाः चित्तधर हृदयया कालिमाटी दुवातय् च्वंगु इवाताय् स्वां देखाःगु खः । थुगु ज्याइवः दैयदसं बछलागा एकादश कुन्हु हनेगु याना वयाच्वंगु खः ।

## स्वक्वःगु आदिवासी फिल्म फेस्टिभल जुइगु



नेपाल आदिवासी जनजाति चलचित्र महासंघया ग्वसालय् थ्व हे वइगु जेष्ठ २४ गतेनिसे २६ गतेतक स्वक्वःगु 'आदिवासी जनजाति फिल्म फेस्टिभल-२०७६' जुइगु छू पत्रकार सम्मेलन यासें महासंघया नायः अमीत सुनुवारं जानकारी बियादिल । उगु सम्मेलनय् नायः सुनुवारं थुगु फेस्टिभलय् नेपालभाषाया फिचर फिल्म 'कृषा गौतमी' क्यनीगु खँ कनादीगु खः ।  
स्वक्वःगु आदिवासी जनजाति फिल्म फेस्टिभलय् पब्लिक च्वाइस अवार्डया

नापनापं जुरीया निर्णयपाखें बेस्ट फिल्म, बेस्ट डाइरेक्टर, बेस्ट क्यामेरापर्सन व बेस्ट एक्टर, बेस्ट एक्ट्रेसयात सिरपाः बीगु जूगु दुसा थुकिया निति निर्णायक मण्डलं सकिपा स्वय्यु ज्या न्ह्याय्थुक्कू नं जानकारी बियादीगु दु ।  
पत्रकार सम्मेलनय् महासंघया पुलांम्ह नायः प्रतिमाया पुन मगर, संस्थापक उपाध्यक्ष विजयरत्न तुलाधर असंबरे, नांजाःम्ह कलाकार लुनिभाः तुलाधर, मगर चर्चाचक्रःमि संघया नायः युवराज मास्की मगरलिसें विशेष पाहॉकथं भयादीगु खः ।

## रामशेखरया लुमन्तिइ साहित्य गोष्ठी

नेपाःया नांजाःम्ह हास्यव्यंग्य साहित्यकारलिसें वरिष्ठ कलाकार रामशेखर नकःमिया लुमन्तिइ ख्वपया भोलाछै त्वाल्यु साहित्य गोष्ठी जुल ।

'रामशेखर लुमन्ति दबू'या ग्वसालय् जुगु ज्याइवल्यु पाहॉकथं वरिष्ठ हास्य कालाकार आशाकाजी थकुं, तिलकप्रकाश कायस्थ, महन्त मल्लपिं भयादीगु खः । वरिष्ठ हास्य कालाकार थकुं नं रामशेखरनाप जुयागु इलय् थःम्हं यानागु अनुभव व वय्कलं कनादीगु न्हयइपूगु खँ कनादिसे अन्तिम इलय् नापलाःबलय् जूगु अतिकं नुगः चीमफूगु खँ कनादिसे भावविह्वल जुयादीगु खः । ज्याइवल्यु ध्रुव मधिकःमिं न्हयव्यःगु साहित्यया समीक्षा संक्षिप्तकथं



यानादीगु खः ।

श्याम आशा कायस्थ, राजुराम मुनकःमि, सौरभ शाक्य, सुलोचना सैजु, सुनील बजाचार्य, नरेश अमात्य, महेन्द्र गोपाल कर्माचार्य, त्रिरत्न शाक्य, दिब्या ताम्राकार, सुधीर ख्ववि, कृष्णभक्त कवांग,

नविन प्रकाश श्रेष्ठ, तेजकृष्ण महर्जन, ज्ञानीराजा मानन्धर, बसन्त नकःमिपिसं थःथःगु च्वसु ब्वनाः न्यंकादीगु खः ।  
गोविन्दमान श्रेष्ठया सभाध्यक्षताय् जूगु उगु ज्याइवः प्रदीपरत्न शाक्यं न्ह्याकादीगु खः ।

## प्रदेश नं ३या नां 'नेपालमण्डल प्रदेश' प्रस्ताव



प्रदेश नं. ३या नां 'नेपालमण्डल प्रदेश' तयमाः धइगु माग यासें प्रदेशसभाया सांसदीपिं डा. अजयक्रान्ति शाक्य व बसन्त मानन्धर प्रस्ताव दर्ता यानादीगु दु । वयकःपिन्सं सभामुख सानुकुमार श्रेष्ठयात उगु प्रस्ताव लःल्हाःगु खः ।

'नेपालमण्डल'या नांया प्रस्तावयात कयाः सांसदीपिं केशव स्थापित, राजेश शाक्य, ज्ञानेन्द्र शाक्य, राजकाजी महर्जन,

प्रकाश श्रेष्ठ, उर्मिला श्रेष्ठ कर्माचार्य व सरस्वती बाटीपिन्सं समर्थन यानादीगु दु ।

सांसद बसन्त मानन्धर 'नेपालमण्डल प्रदेश' नां दर्ता याय्थुंकाः थुकिया समर्थनया निति फुक्क सांसदलिसें सहलह जुयाच्वंगु जानकारी बियादीगु दु । थ्व हे इवल्यु प्रतिनिधिसभाया सांसद जीवनराम श्रेष्ठ ३ नं. प्रदेशया नां "नेपालमण्डल" हे उपयुक्त जूगु बिचाः तयादिल ।

## लोकसेवा...

एकल जातिवादी व नरलवादी वर्तमान सरकार जूगु उदाहरणया रूप थ्व ज्या याय्थुन धासें तत्काल उकियात भिकेगु व खारेज याय्गु ज्या मयात धाःसा आन्दोलनय् क्वहां वनेत बाध्य जुइ धकाः तर्क ख्याच्वः ब्यूगु दु । समानुपातिक समावेशी सिद्धान्तबमोजिम सम्बन्धित निकाय लोक सेवा आयोगं हाकनं विज्ञापन आह्वान याय्माः धकाः माग याःगु दु । मखुसा कन्हय् वनाः महासंघं उज्वःगु विभेद विरुद्ध न्ह्याथेजाःगु आन्दोलन याय्थु नं तयार दु धयादिसें उकिं वइगु लिच्वःया जिम्मेवारी स्वयं सरकार हे जुइ धकाः तर्क ख्याच्वः ब्यूगु दु ।

थःपिं आः संघर्ष नाप नापं कानुनी उपचारपाखें नं न्ह्याः वनेगु जुइ धकाः जनजाति महासंघं धाःगु दु ।

## घुस काइम्ह व बीम्ह निम्हं दोषी खः ।

घुस लिने र दिने दुवै  
उत्तिकै दोषी हुन् ।



नेपाल सरकार

सञ्चार तथा सूचना प्रविधि मन्त्रालय  
सूचना तथा प्रसारण विभाग

Binod Maharjan  
9841369552, 9808644666

बि.आर्ट्स

**B. Arts**

Banner, Flex Board  
Glow Sign Board  
Sticker Cutting / Printing  
Screens/ Rubber Print  
Self-ink/ Rubber Stamp  
PVC/ID/ Visiting Card  
& all kinds of press works

Nayabazar, Kirtipur  
4335491 | b\_arts@yahoo.com

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



- (घ) शेयर त्यासा
- (ङ) मुद्दी रसिद धितो त्यासा
- (च) क्रमिक निक्षेप त्यासा

## मिलन बहुउद्देशीय सहकारी संस्था लि.

ह्वनाछै, पाको, न्हूसतक, येँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

## वाङ्मय शताब्दी पुरुष डा. जोशीया तिथिकथं सच्छिदं बुदिं हन

वाङ्मय शताब्दी पुरुष डा. सत्यमोहन जोशीया सच्छिदं बुन्धिया लसताय् 'वाङ्मय शताब्दीपुरुष सत्यमोहन जोशी कोष' घोषणा जुल। वंगु मंगलवा: येय् ग्वसा: ग्व:गु छगू ज्याइव:या दथुइ उगु कोषया घोषणा जगू ख:।

महोति नं १ करोड तका खाकेगु तयारीलिसें घोषणा जगू कोषय् ये महानगरपालिकापाखें न्यागू लखतका व मेमेगु स्रोतं मुगु १०गू लखतका याना: १५गू लखतका मुनेधुंक्कगु दु।

तिथिकथं बछलाथ्व नवमि कुन्हु वयक: सच्छिदं क्यंगु लसताय् जगू ज्याइवल्य कोषया घोषणा यासें कोषया कजि लक्ष्मीदास मानन्धर वयक:यात भित्तुना देखानादीगु ख:। कोषया मेपिं दुजलय् मल्ल के. सुन्दर, माननीय भीमसेनदास प्रधान, माननीय कृष्णगोपाल श्रेष्ठ, पूर्वराज्यमन्त्री तीर्थराम डंगोल, प्रा. प्रेमशान्ति तुलाधर, डा. रीना बनिजा तुलाधर, प्रा. प्रेमहरि तुलाधर, नवीन मानन्धर, कृष्ण अर्याल, उमेश स्थापित, सुजीव बज्राचार्य



व सुरेश किरण मानन्धर च्वनादीगु दु।

मस्तयत् थ:गुमांभाय् व संस्कृतिप्रति नुग: क्वसाय्के बीगु नितिं थीथी ज्या यायगु थुगु कोषया मू उदेश्य जुइ। कोषं न्हापांगु ज्याकथं नेवा: भासं क्वा:कासाया न्हयइगु श्रव्यदृश्यलिसेया पाठ्यसामग्री दय्केगु योजना ह:गु दु। लोकह्वा:पिं कलाकारपिं मदनकृष्ण श्रेष्ठ व हरिवंश आचार्य थ:पिं हे सहभागी जुया: पाठ्यसामग्री दय्कीगु खँया नं जानकारी ब्यूगु ख:।

## स्वीस्वक्व:गु परियत्ती बक्तृत्वकला कासा



परियत्ती बक्तृत्वकला सञ्चालन समितिया ग्वसालय् नापिचन्द्र परियत्ती केन्द्र, इखाछें, यलया व्यवस्थापनय् ३३क्व:गु परियत्ती बक्तृत्वकला प्रतियोगिता समितिया नाय: मोलिलाल शिल्पकारया सभाध्यक्षताय् न्ह्या:गु जुल।

उगु ज्याइवल्य मूपाहाँकथं बोधिज्ञान महास्थविर बिज्या:गु ख:। ज्याइवल्य समितिया न्वकू ज्ञानबहादुर शाक्य लसकुस यानादीगु ख:सा छ् याज्जे देवेन्द्र शाक्य नुग: खँ तयादीगु ख:।

ज्याइवल्य बौद्ध सम्बन्धि भिगू विषयस बक्तृत्वकला न्हयव्ययत् स्वनिग:या भिनिगू परियत्ती केन्द्रपाखें व्वति का:गु मध्ये न्हाप सिरपा: शाक्यसिंह

बौद्ध परियत्ती केन्द्र, थैनाया अनिशा श्रेष्ठ, ल्यू सिरपा: दीपावती बौद्ध परियत्ती केन्द्र, गुइत त्वा:या आर्यन बिसी व लियाल्यू सिरपा: जयमंगल विहा, चकिक्त्वा:या नेम्मा शाक्य त्याकादीगु ख:।

कासा त्याकादीपिन्त समितिया नाय: लिसें मूपाहाँपाखें शिल्ड, ट्रीफ व सिरपा: ल:लहानादीगु ख:। ज्याइवल्य नापिचन्द्र बौद्ध परियत्ती केन्द्रपाखें सन्दिता बज्राचार्य सुभाय् देखानादीगु ख:। उगु ज्याइव: सुनीता बज्राचार्य न्ह्याकादीगु ख:।

प्यला लिपा जुइगु उगु ज्याइव:या पाव्ब शाक्यसिंह बौद्ध परियत्ती केन्द्र, थैनायात ल:ल्हा:गु ख:।

## नेवा: समुदायपाखें मंका: प्रतिभा 'नेवा: आइडल'

नेपा:या ७७गू जिल्लाय् व भारतया सिक्किम, दार्जिलिङ आदि थासय् च्वना वयाच्चीपिं नेवा:तयगु सक्रिय सहभागीताय् नेवा:तयगु बिस्कं म्हसीका ब्वयगु तातुना त:जिगु सांगीतिक धेंधेंबल्ला: 'नेवा: आइडल'या ग्वसा: ग्वयेगु छगू पत्रकार सम्मेलन यासें जानकारी ब्यूगु दु।

प्रतिभायात छगू हे दबुलिइ मुंकेमा:गु थौंया आवश्यकता जगू धयादिसे उकिया नापं संगीतया माध्यमं नेवा: संस्कृति, सम्पदाया संरक्षण यायगु नितिं भिगु थ:गु हे बिस्कंगु मौलिक म्हसीका दुगु न्हूगु, पुलांगु, लोक, ऋतु, आधुनिक आदिया संगीत, रचनायात पितहया: न्हूगु पुस्तातक थ्यंकेगु लिसें संगीतह्य:मिपिन्त न्हूगु सिर्जनाया नितिं ह:पा: बीगु ज्याइव:या कजि मनोज नेवा: खड्गी धयादीगु दु।

नेवा: समुदायया सकल नेपा:मिया मंका: प्रतिभा 'नेवा: आइडल' मालेगु नितिं न्हयगू प्रदेशया नापनापं येय् विशेष



अडिसनया ग्वसा: ग्वया: देय् न्यकं प्रतिभाया मालेज्या जुइगु नं धयादीगु दु।

थुगु अडिसनया नितिं प्रदेश १या भापाय्, प्रदेश २ या जनकपुरय्, ३या चितवनय्, ४या पोखराय्, ५या बुटवलय्, ६या सुर्खेतय् व ७या धनगढीइ अडिसन यायगु जुइसा येय् विशेष अडिसनया ग्वसा: ग्वया: न्हापांमह 'नेवा: आइडल' मालेज्या जुइगु नं वय्कलं जानकारी बियादीगु ख:।

'नेवा: आइडल' त्याकामियात

गाडीलिसें नगद सिरपा: बीगु जुइसा ल्यू लाइमहेसित बाइकलिसें नगद सिरपा: व लियाल्यू लाइमहेसित बाइकलिसें नगद सिरपा: बीगु जुइ धका: कजि नेवा: नं धयादीगु ख:। थुगु ज्याइव: ईमेज च्यानलपाखें प्रसारण जुइत्यंगु नं जानकारी बियादीगु ख:।

ज्याइव:या सभाध्यक्ष लहना मिडियाया नाय: नुपेन्द्रलाल श्रेष्ठ संगीतया माध्यमं थौंया ल्याय् म्हतयत् आकर्षण याइगु बिश्वास प्वकादिल।



## युथ कर्नर क्लब

## दोश्रो विद्यालय स्तरिय

## बृहत चित्रकला प्रतियोगिता २०७६

मिति : २०७६/१/३१ गते शनिवार, स्थान : पाटन दरवार क्षेत्र, ललितपुर

समूह: १. समूह 'क' कक्षा १ देखि ३। २. समूह 'ख' कक्षा ४ देखि ६ सम्मको लागि शिर्षक : रहने छैन

३. समूह 'ग' कक्षा ७ देखि ९ सम्मको लागि शिर्षक : वातावरण र पर्यटक

४. समूह 'घ' कक्षा १० देखि १२ सम्मको लागि शिर्षक : पर्यटन विकासमा सम्पदाको महत्व

(प्रत्येक समूहबाट बटौमा ३ (तीन) जनाले मात्र भाग लिन पाउने।)

नाम दर्ता शुल्क : समूह 'क' रु. १०००-, समूह 'ख' रु. १५००-, समूह 'ग' रु. २०००-, समूह 'घ' रु. २५००-।

नाम दर्ता गर्ने अन्तिम मिति : २०७६/१/२७ गते सम्म

सम्पर्क: युथ कर्नर क्लब भवन, गोफल टोल, का.म.पा. २१, फोन नं. ४२२९७८८, ९८६९६६३५६०  
निरञ्जन कुमार भट्टराई (अध्यक्ष/संयोजक) ९८४१-२४९७२८, सुजिन कुमार श्रेष्ठ (उपाध्यक्ष) ९८५१-०८६८३२,  
नविन श्रेष्ठ (कोषाध्यक्ष) ९८०३-९६२९२२, रवि काजी शाक्य (सचिव) ९८४१-२७६४१६,  
केदारेश्वरमान स्थापित (सह-संयोजक) ९८५१-०९२५९९, सोनु महर्जन (श्रेष्ठ) (महिला सदस्य) ९८४११५०५६२

सेमिनार वा कार्यक्रमया नितिं लञ्च बक्सया डोर टु डोर सर्भिस यायगु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।



बिगबेल  
**BIG BELL**  
Sweet & Snacks Pvt. Ltd.

Kamaladi, Ganeshthan  
Kathmandu, Nepal  
Tel: 01 4247075, 014244323